

授

堂

詩

鈔

授堂詩集序

吾友虛谷詩以外無弗能者斯語也虛谷信之天下人皆信之何藉余言哉雖然虛谷之絀于詩也非虛谷絀以詩詩以虛谷絀耳虛谷讀書務爲根柢有用之學浮華聲與屏除殆盡交遊倚重絕去時習獨往來于寬閒寂寞之鄉以自怡其志向出而作吏不肯稍自貶損視人之喜怒爲喜怒視人之愛憎爲愛憎以厚誣乎生平則其于詩又安能隨波逐流哉阿取容詭合俗尙哉又安能託體漢魏六朝三唐兩宋剽竊字句摹擬聲調如土木之偶麒麟之棺爲有識者所訾厲哉今虛谷亡已久中外皆稱爲端人正士生平著述漸次刊刻傳布其子孝廉小谷以余與君文字相知求訂其遺詩余惟

君之詩清剛峭拔自有成其爲君之詩者不可芟汰尤不可  
潤色失其真君之傳固不在詩况其詩必傳乎吾將以告天  
下人之不知虛谷詩者嘉慶十六年三月朔年愚弟法式善

序

授堂詩集序

唐李習之皇甫持正朱蘇明允陳同甫工于文不工于詩劉  
淵材謂曾子固不能爲詩子固未嘗不能也明崇正間河南  
侯朝宗以臥雲居雜庸堂制義得名壯梅堂古文出遂掩之  
并其四憶堂詩無知者吾友偃師武虛谷亦然虛谷讀書大  
梁制義出人傳誦之播于四方及成進士後專力于古文入  
知有授堂文而不知其有詩余與虛谷同出朱笥河先生門  
而不相識前年虛谷訪余于濬上下其議論者三日叩以詩  
以幼未習對中州多文人幼不習詩者多遂信之虛谷歿後  
數年小谷持遺詩八卷來求余點定且作序余讀而灑然異  
之朝宗文當時稱第一儲六雅至謂他人文以走朝宗以飛

譽之未免太過虛谷工金石學文多古越人謂與朝宗異曲  
同工趙渭川叙其文謂有不可句讀者蓋從金石中來也四  
憶堂詩六雅以爲頓挫清壯吾于虛谷亦云然人情喜示其  
所長今之詭癡符者直是暴其所短詩非虛谷之短而深秘  
若是其襟抱可想見吾嘗謂詩之弊有二一則務求合于古  
人躡壽陵之步不敢畧出新意其失也拘然不過數家耳已  
不可多得矣一則但求合于今人振乎其名不辨其工拙而  
樵枋之其失也愚虛谷灑落人無所倚傍直摠胸臆言盡則  
止而已夫詩人之爲詩也性情主之性情不同如其面焉方  
得意時亦惟自喻耳此古人所以謂人生得一知己可以無  
恨也虛谷歿矣余知虛谷虛谷不知余也潛山熊賢燕

授堂詩鈔卷之一

偃師武億虛谷著

孫耒恭校字

述懷上 笥河夫子

大雅逐逝波高曲寡同調鬱鬱感中腸悠悠奮長嘯曰古史  
筆垂斯文能載道光遠啟典墳正始自訓誥周季鳴百家轟  
雷肆狂譟引手探元窞失身墮幽窖所懼紛榛蕪敢望窺突  
奧盲左逮腐遷變例稱首號陶鈞鑄百靈鐫鏡雕衆竅時藉  
毫端力語如化工肖繼起推班生質文最云到其餘漸推盪  
狂瀾日以倒黠竄競時媚規摹失天巧降爲齊梁陳膏肓益  
難療痴蠅聚呿唔腐火點熠耀俳語爭舐戲陳言類盜剽雜  
沓文非理汨沒潛不耀吁哉昌黎公奮呼先高蹈鯨鏗聲激

越勢埒排雲叫大文光芒作五緯同分耀提唱諸雄俊指摩  
樹牙蠹其時籍湜徒具體遂獨造亦越宋歐陽秀發收羣妙  
衰流更千歲頽唐遜已耗作者不可期伊誰是則倣某昔愚  
不量抗懷理幽操歛測溟渤深平壓泰岱峭結習一何亢攻  
藝頗爲拗用拙理無媒闕窮身甘傲坐致羣犬吠尙共寒蚓  
弔顧惟俗茫茫莫與堅所約昨歲遊京國洪河源始導晉謁  
先生門締覽識厥要謂茲立言途非以寸舌掉在先誠其中  
云云方浩浩于焉榮根柢勿遽捷響報豁如決殘翳朗然聞  
至教古義苟能伸鄙力敢不効近知工胚胎沾形未遺貌鱗  
翔點諸額羽化學以菀惟日困藩籬于何破籠罩徬徨不能  
已愧乏材雄鷲豈伊上達窮重惟下土笑吐詞嗟無成潛會

日夜悼憶彼涓涓流習坎尙通漕况張強努技焉得不穿縞  
誓將盟幽獨閉關自却掃汲古發深猛冥心鎮競躁平生鄙  
利謀斯日謝名釣先民尙可懷吾其從吾好

河之水寄弟一章

河之水浩浩茫茫側身欲渡歸無航東排汴口下睢陽官徵薪  
束民輸將猙鬚健吏紛紛披猖十人九走何人康我有弱弟守  
故鄉八口汝哺餓且僵晝聞追呼夜徬徨遠莫予致涕空囊  
昨我夢歸歛戶桑壁立四堵中頽唐落葉撼撼天雨霜汝體  
不掩病在牀覺來聲吞淚盈眶三年飢走胡遑遑累汝當門  
羅百殃鵲鶴尾禿鴻翼搶嗚呼安得以汝所苦累書疊幅置  
子旁河之水浩浩茫茫



筍河夫子有對唐花示諸生詩和作

唐花名種傳奇術暗折天葩媚幽獨昨尋花信尙無期怪底  
先春回黍谷城南意匠多經營輦置中堂紛簇簇明粧晨靚  
粲如霞解笑嫣然芳意足先生饋歲祝碧翁欲爲倦客措新  
目開筵列坐花周圍一夜轟雷飲春綠就中冷艷梅幾株潛  
虬橫突蒼皮蹙海南仙人踏微月喚起冰魂清遶屋先生對  
此還成笑鄭公嫵媚花其躅我時頽頽驚欲狂共呼坐客杯  
相屬一生屯相長任真雙聳寒肩無計俗况聞園李動昌黎  
窗草不除感茂叔吾儕相與坐春風莫遣杯行不省錄

示兒詩用昌黎韻

往憶在丙申予時滯鄉間計兒歲方五不傍羣兒趨婆娑

我側問字聲嚅嚅便以指畫硯詰曲盤蟲書乘頑翻浣壁不  
忍汝嗔呼屈指越三春黃口豈尙鵠吾欲呼與言莫益長其  
愚而我走四方相違千里區失學任汝懶檢身母乃踈恐遂  
墮先業獲罪勝責詠昨者有書至謂言汝大殊當其初入塾  
奮猛凌於菟氣將吞萬卷目可無千夫挺立不搖膝朗吟徹  
坐隅召來課所習脫口如貫珠同時諸兒伴相視驚瞿瞿舅  
氏顏亦莞指是君家駒予始得聞之客懷頗爲舒旣念兒多  
慧所懼岐于塗易象山下泉蒙求慎厥初要期古義深遲發  
而博儲豔豔桃李子美盡將先除通溝淫秋潦倏忽成汙渠  
苟不崇其蘊過此復何餘且汝後吾兄兩世共汝驅予以涼  
德身日累于飢驅而顧忝所生祇益爲庸奴方茲幸妍煖敢

或偷嬉娛歸舍闌晨炊日食當需晡空腸習藜苳味無過春  
蔬科頭不事笠掩袴安用襦家世傲飢寒兒何計免諸汝叔  
鞭汝惰嚴若師規模脫阿母汝憐禽犢非良圖凡此言數端  
守之則爲儒無忘書紳志以增余繫颯

寓擷英書屋對花有感

朝聞百鳥啼聲吞似欲剪翼招花魂驚從窗底瞥相顧摧殘  
萬片爭飛翻風揉雨鍊杳無數殷紅映起蒸霞痕雜卉滿園  
慘不樂茫茫對此朝與昏其中常棣更含愠自嗟飄墮無由  
存當時鄂不舊相依誰與迫去今如髡我亦泣然屑雨淚低  
首拜爲古弟昆頗如流宕在他縣何時返命歸其根呼僮鄰  
立勿爲掃尙可省錄傾金樽世徒知有落芳怨豈念同被言

所敦

聞河自商邱南泛鹿邑北境又折而東浸亳州因憶同  
年傳聽思蕭性之暨曹子壽徐退祉迂雲亭諸友人

正被河患苦不得通問書此排悶

黃河涌溢橫西來駭浪倒射梁王臺却遷故道錫無水勢將  
南下凌江淮聞自睢陽更鬱怒旁屬諸邑隨漩洄苦縣亦爲  
傍水曲坐觀閭井埋傾頽嗟我素交二三子當茲何以弭其  
災奔渾一夜渺千里平蕪混漭滄溟開秋稼雲屯掃不見黃  
屬泥濼青蒿萊朝持薪束從河役暮携畚揜追陪僅十月天  
寒風雨急泥行露立虺且虺是時魚頭逼赤子呼問河伯胡  
爲哉頗慮羽窟蓄頑憤金繩撼斷逃黃能不然碣岸圯無際

天吳挾勢爭喧厖痛此汗瀾何日咽渺渺愁于淚漼漼近者  
秋霖又滴瀝南望淚漫暈煤炷傳云雨驟不爲害雖獲鄉信  
終疑猜遙憶故人蕩若徙破屋交漏誰相哀我欲從之安可  
得思牽河曲共干廻

寄示薛兩生

薛氏兩奇兒少慧高矜捷獲逢賢太守

太守姓未名家  
廉浙江錢唐人許與

黃童協

太守贈二生詩  
云今見黃童兩

先後隨子遊

力堂丁亥受業博菴先  
從子姪太初庚寅遊大

梁復受  
業子

各守一經笈頗能舉其義浩瀚時亦涉辭歸十餘年

泛泛何所挾吾爲綜厥要義非逞漁獵請以一言規發書更  
陳篋緬昔子夏儒首倡章句業遭秦火而後秕糠眯目曉雜  
然謹臆詞小夫屢喋喋康成守墜緒經始歸統攝繼之以賈

孔妙諦融洽浹宛如哀枵腹進食勞饋饁汝遭歲月餘其尤  
宜切切而或嘗鼎臠一飽謂云愜又或終函莽學等遮爾臘  
旁驚與遠馳浮梗給行艤再或睹浩煩其氣先嘯嘒試令強  
追尋疲役頽焉茶且如鄉曲問陋者紛踵接偶因抽繭緒強  
自堆枝葉輕侮其道術置經猶故牒森束起凡例糾輒叢稠  
疊盜剽時類幻鬼語終成魔誰令至于斯亂法儒甚俠二子  
幸見從勿徒爲沾沾尙惟障俗氛披拂在揮箠徐爲鼓其氣  
大敵信非怯矢此墨守迂經訓乃妥帖庶以窺其涯操舟獲  
有楫顧予久厯塊峻坂勞騰蹠近方從夷曠識塗如老鬣將  
期守絕學微茫愁岌業苟從事諸此敢不心相厭

熊藕頤云史記沾沾自喜的協切今人多作平聲讀誤

己亥五月子假館樂亭途次誌懷

自予居京邸飽厭市哄囂幸茲樂亭役歎然遂見招驅車就  
東道川原一何饒綠沉柳色重天籟度鳴蜩惟聞聲咽咽頗  
類草蟲噉或有中田叟雀耘理黍苗時倚鋤道左感嘆行役  
熇亦復轉吁啞瓜蔓引泉澆幽事平入眼顧瞻喜以陶惜吾  
逐饑走素心不可邀悠悠日行邁茲生信無聊

渡潞河冒雨行二十里

晨興度前路蒸雲鬱廣陌沉屯四野暗天際渺然白招搖呼  
舟子爭渡亦云迫亂流碎圓紋謂茲微霖霰斯須點如注飄  
激垂相射四望歸溟渤晦不見轍迹感念子生浮身屢遭蹇  
阨而今胡爲者風雨更欺客

玉田

連峯駿如馬蹴蹋騁雄尊去縣近數里坡陀帶山根其下則  
平曠墟烟裊數屯蒲柳飽經雨明媚晃朝暎夾路餘行潦冥  
冥浮綠痕時見兩監子揮杖牧么豚僕夫指相語前可謀哺  
殮爲我覓陰翳倒觴傾一罇

李烈婦

薊州東走有旁屬巉絕玉田峯盡盡其山奔突赴前村中近  
里門植表木時初過此欲相問僕夫却已停其轂細觀翹首  
三爲嘆惜無史筆垂奇蹟叙次荒蕪喻者少女辭頗怪類簡  
牘忽見黃台兩野老疑余好事目相矚我爲拱立詢道左發  
言嗚咽吞聲哭



寄史蒼言

昔吾求至友惟子衆長兼所懷依直諒其守柄勞謙與余初  
相合藥石便爲砭久乃抒懷抱平生得細覘尙自開突奧頗  
不遺修織六書喪厥源眯目亂前瞻左氏矜浮夸世徒以手  
拈而君抱此癖冥心在所潛匡坐窮兀兀結習鄙沾沾衆未  
妙駸蔑俗盡豈無鹽粲粲媚學子婉變巧趨熾子嘗仇此輩  
勇身罹謗嫌又竊慕昌黎斯文得屬屢攻藝自云亢許身人  
謂譖君復携爲伍相翼比雙鶴許與素心合不必衆謀僉子  
遂肆滂葩狂詞不可箝君獨守班史謂宜有勒銜余方橫突  
銳對此收銛銛豈意今小別秋水漫蒼蒹故人方離索獨學  
難安恬與衆紛乖隔世味殊酸甜頗憶舊遊日搔首煩如憒

浮空風落絮抵暮月磨鎌是時君過我掉臂入青帘歌嘯慕  
高李交期重蘭蕙爛漫頽歎座慘淡守前簷尙憐敝裘子解  
衣貸我單呵噓排冬温如身挾纒縑聚首終年歲相依更寒  
炎今胡成寥濶會晤渺難占塊獨與居此窮隅就困淹暮送  
岫雲度朝望海日暹手書尙莫遞足音安能詹愧彼蜚與駢  
且以膠投粘何日聞君語得一醒錘鉗晨夜煎我懷髮恐不  
勝黔西望渺愁予肩淚淫漸漸

憶昨行

客有回首思茫茫憶昨遠適癡如狂東將入海西入秦此身  
畧以之相嘗斗建寅月歲逢午我初奮袂適莽蒼

甲午自豫  
遊秦蜀

翻然一去提空橐出門所挾唯春糧路指函關不可極心已

飛越凌陳倉遂歷秦川抵平掌更駕蜀棧觸森芒是時節候  
偏炎暖山花爛漫搖春光捫蘿梯石摩高岫忽睹天外飛浮  
梁衆皆惴慄虞頗越身偏過此歌慨慷坡陀漸下極平野漠  
漠陸海煙相望晨謁少陵祠再拜恨不隨寓劍南疆十日留  
連席亦暖輕舟駕浪漂瞿塘盤渦怒裂麓幽窟挖捩陟撤千  
丈強歸來以手招驚魄夜夢反憶轟雷碩隔歲更借計北上  
三聞報罷歸安將予乙未下第計自辛卯壬辰凡三北矣男兒且忍騎款段飽  
飫藜蕨撐饑腸翻因再誤適千里饑來又驅走四方丙申自商邱抵  
德州梁園日暮亂飛雪塊獨與守驚摧藏浮天汗漫爭眩瞽橫  
渡層冰十里黃凝霰迷濛揮不入皮肉凍皴走且僵嘆予潦  
倒悲生事胡爲數載徒遑遑才疎命賤渺何俟安得借老吳

吾鄉

哭張晉川

晉川諱汾通許人庚寅歲余遊大梁緒交今聞其沒也痛溢于情詩以傷之

噫嗟吾張仲而已逮于斯誰復使之然奄忽世終辭昨從寓  
京邸消息始一知生別今十年豈意九原期方予初識君君  
顏瘦挂頤矯然孤鶴性天海適與嬉自惟神充實獨以形支  
離晨夕過余室肺腸各爲知視予漫膚者天真頗最宜及乎  
成隔別問訊數相遺偶聞君健在加飯慰愁思喜將長以年  
使之耀其奇不圖大患侵清癯竟不支欲效哭寢門我尙滯  
天涯頗復訪荒土宿草蔓已滋吞聲爲君咽問茲神者誰兩  
兒幼未成一門守孤嫠顧惟余貧病無日申其私猶有舊約  
在銘心敢爲欺

劉道士

龍鍾劉道士頗怪非常儔寄跡老子法埋名固有由始以俠  
少年汗漫事窮遊中間不得意棄世如决疣偶遇黃冠董遂  
以之綢繆朝從京洛口走暨梁宋州曾爲修氣母汎如不繫  
舟於今五十年歸老栖嵩丘

道士寓緜氏後遂沒焉

病鶴霾烟雨翹立

類秃鷲負暄倚四壁爬蝨聊喫咻或有好事者相挾遺乾餼  
再復終一醉語漸別薰蕕狂詞驚世膽啄硬森劍矛謂予操  
奇術銀海瀾雙眸世莫哀心死而神遂不周試以至吾前信  
使人焉度其語雜禍福每發中姦偷聞者多褫魄返舍低顏  
羞豪兒欲前問百喚不領頭嘗聞有彌明避俗等于仇惟君  
平在蜀以下救眩昏

叶

此頗與之似疑其隱者流我嘗一過

訪果與所期投天械亦云脫逸志不拘囚視予僞儻姿謂世  
無其伴徐出太上言相戒慕舌柔鳴呼尙如昨今已隔暝幽  
我歌以紀之庶使名終留

寓京邸適遇東人借訪安鶴亭先生兩孤兒音息

客自東方來齊語近徐充思與覓消息躡履趨徒跣尙憶歲  
逢已賢者忽云殄

先生壬辰簡發湖南試用以親老改河南  
需次尙緩遂就館盧氏歿于學舍時癸巳

五月  
上旬

載櫬過荒邑惟以兩夫輦余適走四方所私未獲展今

獲遇東人瑯琊風可緬鶴亭先生家請爲聊一辨百感交蒼  
茫有淚瀉如泣先生生旣困命途乖且舛聞今歸窀穸身沒  
家更蹇掃室空如洗無田安可吠妻惟守餘孽兒亦痛終鮮  
爲善能福後天道方惟顯先生業未終是宜俾爾戩所懼嬰

飢寒惟復憐其喘泐焉千里隔何時申不腆念茲頻氣結迴  
腸難再轉與君適萍合母亦愧交淺瑣細紛相叩尙期君勿  
憚惟余虧明義憂來不可遣逝者誰與期存者猶相繼倘憑  
君慰藉亦或釋吾覩

懷劉穎思

劉髯胸次羨冥鴻十年道戰浮雲空許身自謂老禪伯欲謝  
天械栖嵩峯朝來過我一携手憐予憔悴呼相從已脫町畦  
不挂物坐對使我天倪通前時夏五辭髯去子有樂亭之行日向海

隅馬首東此心搖兀安能了憂心頗甚蘊熾熾故人雖冷尙

多友

髯與史蒼  
言同館

獨我飄泊驚旋蓬酒酣忽憶守寒夜四座紛

呶矜才雄髯心內照目無事反令狂駭摧其鋒我覩至人歸

坐忘飽諳怪變與姦窮嗟髯豈卽老寂寞少曾好事學屠龍  
世皆鹵莽不終報三歲力田竟未逢仰天獨嘯吾何適乃于  
高枕酣松風作詩聊爲慰苦別髯應一笑懷與同

寄余少雲

始吾遇少雲乃如見南郭貌頗具支離相望類欺魄久獲與  
之遊逸才紛揮擢嗟彼屏墻徒耳食哺糟粕君獨緯精心穿  
穴交相索訟言纏膠膈應手解絲絡惟我笥河師許可在冥  
漠穎思淨冰雪幽探洞蹊壑况復工詞翰輪囷肆磅礴粲然  
衆藝兼亦任餘事作余乃悔鹵莽向惟屠門嚼而君辱我愛  
不以形骸格二陸傾茂先竟當方入洛念此頻懷嘆使我中  
心忤朝來下余榻狂嘯恣歡謔友君兄弟間

余伯夜燈傾小



酌滂葩無不覩更益光的灤想見朝陽晞坐令寒火燭吾笑  
謂君言鄙才亦不弱鷺鳥稱累百問今有幾鴉當令我輩人  
迭起相酬酢君忽動色告謂此誠落落虛名恐自誤將爲世  
眼愕予時又驚悟退立小倚却君子固不測敢以常情度低  
頭再三拜醫狂信爲藥今忽小與別茫昧事成昨風籟漸遞  
嘯露葉微隕籜窮隅無所知日驚况味惡迫欲往從之其若  
參辰各強醉尋舊歡加飯盡今樂日暮臨西風何時從所託  
惟有城頭立

園後與地城相近  
余暇輒登其上屈指數歸約

阻水淤積悶奉寄衣聞楊孝廉

我興汗漫從西郊灤水翻野泥淤壕所思渺茫不可覲側身  
使予心悵勞去年一見歛相語已識夫子今賢豪矯如孤鶴

掠空下亭亭玉立橫江臯語挾風煙耽寂寞委形所遇隨遊  
蒿懸知靜者心多妙似亦文辭準擬騷當時鹵莽未曾覩醉  
心獨有嘗醇醪至今迫欲共懷抱翻隔淫潦窮滔滔忽如一  
夜生秋水美人伊阻蒼葦高思從握手安能得索居何由解  
樽陶又聞避俗動如仇閉門挾策任遊遨龐公尙未至城府  
肯偕浮世舖其糟念此怛然中夜起賴守士氣唯吾曹嗟彼  
蠹流工閻媚乃敢播唇恣訕嘲嗟逢吾子繼高躅鄙懷得以  
安孤標前日馳書相慰藉愧蒙古義凌雲霄却立跪受再三  
嘆橫加紆鬱心焉切平生求友頗矜許豈有交臂失英髦東  
飛伯勞西飛燕何時撫翼翔且翺作詩聊遣苦相憶咫尺應  
恨終迢迢

設堂詩鈔卷之二

偃師武億虛谷著

孫未恭校字

鶯葉

鶯葉辭木末搖撼不可留獨客滯天際感鬱無時休念我出門日歲序云三秋昨傳故鄉早日至無麥甍逃戶紛粟爨飢腸互啾啾守籬餘啞犬伏阜斃喘牛刈蓬剗蟄根剝樹窮懸溜坐令千金子蒙面首若囚况吾家無賴遺茲歲虔劉八口餓相索孺稚日呶嗷弟弱窘經費親知告囊羞拙妻望晨炊兩淚酸其眸懸憶隔夢寐分待瘠渠溝一身餘百創無肉補瘡痍傷哉貧曷訖歛聞河溢流排堤沒汴口民居蕩若浮官督薪束急下邑事徵求楷稭持一束倍莛尙莫酬痛吾諸昆

季何計相稠繆涼天九月半北地寒威道驚塵摧破帽飛霰  
結敝裘長安事干謁掃門伺五侯造請工磬折庶乃借前籌  
予生骨不媚與世益悠悠近依筍河師提耳發日偷爲善吾  
不獨旅伯足夷猶終始一以吐聊爲解煩憂

八月六日李東川何小山偕余會飲蘇惠波寓舍卽席  
分賦雅字韵時余以雨早歸閱二日始脫稿

至友無與兼良會尙可假所以時過從聊爲作輪寫初識猶  
飲醇少狎漸炙輒出門昔鹿鹿入隊今雅雅世或嫌我真君  
胡用其野倉猝具盤飧羅列酌尊斝硬餅截如刀薄饌美于  
酢夙夕空盈懷茲晨得共把忽值片雲起更助傾溜瀉塊礧  
竊庭牖浙瀝碎簷尾胸次隨浩蕩文墨恣蕭洒屬與方

牽懷已有且嘆往成芻狗嗟身等隙馬紛吾其憊矣數子又窮者安得從蔣徑相與結遠社

望舍弟書信久不至作此遣悶兼寄舍弟

三年客上都窮夜夢鄉邑家書抵萬金無爲吾望汲昨歲寄手函裏致紛重襲豈唯心慘惻字亦皎珠泣尙將慰遠人未道囊羞澀苦語不分明已感脊鴛急我身無以藉汝生何由給念此心煩勞瀕洞百愁集歲月泚馳流節物驚難繫如何辰一週附書不見及或云間寥濶渺渺難其挹或慮亂予懷殷憂何所悵豈知重乖隔臨風愈哽吧破屋交相風誰與勤補葺霖雨更穿漏誰與避溽濕求友誰與切在困誰與立平生舊書卷汝誰與掇拾而我終茫茫膏焉不相習寤寐或見

之掛一已忘十孤懷日鬱紆聊以翻巾笈忽閱前書帙迸淚  
漬如泥人生但若此恍惚安可執有計卽歸田聚首圖旣翕

憎蚊

蚊軀雖微細其毒甚蜂螫昏市爭乾沒黍民寄狡獪利觜忽  
森茫怒曉方睚眦豹脚稱最豪虎翼吁堪怪撲緣擾終夜倏  
忽違殊界聲或咽雷轟飛亦助風噫聚羣比鈞黨挾勢相通  
介虐威先投隙賊性陰伺懈剝膚屬云饜嗜肌尙求嘍文簞  
布青瑩長箠披蕭灑天宇踈澆泱夜氣滋沆漉是時釋重累  
茲地消沉憊彼乃騁煩囂我益鳴陰喝行歌無所避格鬪安  
知戒嗟人靈萬類獨爾恣一快兀坐屢搖痺煩懷劇搔疥遂  
使成瘡痂漸乃積嬰瘵薰簷困烟燎拂榻觸袈裟不堪茫刺

衆頓覺宇宙隘慘慘予懷勞悠悠我心邁頗願祈風厲庶得  
摧羽鍛貪人間餘幾能保不類敗

述感六十韵寄上朱筭河先生

人生能幾別既別孰與期滿目增悽切茫然索故知况依吾  
夫子三載被恩私感念徹中夜有恨隕如絲索居亦偶爾觸  
事益愁思頗憶從遊日僣勉左右隨粗陳所授受尙足相追  
惟前歲逢丁酉受命劍亭師升階來入謁得一接籥籬復欲  
從大道更將剗劓親自惟鄉曲士與世偏殊宜偕計走京國  
區區抱屈奇先生剖其璞俾與琬琰齊同遊諸彥俊未敢矜  
雄雌又聞垂史筆發潛職所司緬予先君子表墓須豐碑遂  
自壯行實再拜泣陳辭先生哀厥誠三日揮淋漓牽連書及

某謂可基巖巖有道而甚文亦云重習之依依終年歲在冉  
屈春漸督令強試席不謂驚旋遺先生屢感唱此豈命有違  
乃復留京邸眷懷在切劇撫躬斂以方願學粗就規長安數  
日雨泥潦礙衢遠不得踵師門漏室悲孤羈先生憂惻惻日  
哺子桑飢留某不遣去掃榻移于斯館置堂西側俯仰堆書  
詩屬我盡漁獵望以漸畬菑初如涉浩漫測源渺一蠹坐窺  
稍有得忽又眩襍離而我逞豪猛牙舌弄差差先生示之難  
其義重提撕冥心昭所遇竟識端與倪抗慕絕學賢庶幾獲  
師資或從文字飲必命某相携欵接盡殊禮內實慙嘘吹遍  
告諸老蒼後起屬余爲當時皮相者二目競盱睢先生動色  
語更以通流推至今終在口信乃憐才癡嗟某慙書生樸陋



少歲蕤許身又已愚抱迂不可移反佞媚學子鄙不與等夷  
最勇爲排訐棄之猶稗梯無挾而自恣幾能逃人擠先生終  
調護免使遭憂罹近者樂亭役慮某誤他岐三稱獨學陋茅  
塞盈蒙施子聽未晶瑩獨駕高車馳謬云吾道東茫茫遂與  
迷計出栢馬下之眾信足嗤兀坐窮朝暮痞結入肝脾潦倒  
傾濁酒安能浮盡卮慢膚尙就瘁彼道何由肥鬱紆終我懷  
夢想見光儀所希重乖隔孰使汝羈縻海隅垂寂寞西望長  
漣洏

留別都下諸子

簷前兩樹桐策策鳴虛牖鄉心不可耐兀坐晨逮酉忽復理  
歸裝尙感素心友自予旅京華廓落嘆無偶屈指二三人動

輒窮見肘相依如弟昆或時接杯酒而我漫浪者浮踪焉得  
久抗策驅長道依然爲飢走側惻貧與別西風一回首  
冠蓋馳輦下相鄙如庸奴數子真少可乃與黨朽枯枵腹我  
何有空見肥如瓠聞道苦不早結習患未除此去一言別鄙  
吝仍故吾何以垂贈言藉手拜良圖

送劉海文星軫歸蒲城

我初未識君倒懷傾所向謂聞之吾友

史蒼言

推君直且諒朝

來偶相過辱知惠一貺出其胸中奇果與時殊尙披豁任吾  
真坦率薄小讓謂言抵險熾重爲開夷曠洪濤經吞吐浮萍  
歸滌盪軒然天闔啟豁如秋旻亮徐聽聲益惶却觀身非亢  
平生信奇偉斯語豈誕妄握手從言歡晤面增神旺昨聞告

歸施離心乍感愴。噉蔗未盈節。飲醇甫舉盞。去矣隨輕颿。暫  
焉飽飛塊。後期安可知。貧別何由暢。凜凜冬方孟。垂垂月幾  
望。雲黯平野縮。風簸寒沙漲。蹇足策伶俜。空橐驚摧喪。此時  
冷傲裘無計。溫挾纈朝渡。洪河源暮投。清洛上旅程。或淹留  
荒鄉。吳周訪鄙人。雖無成狂名。空所傍茲意。久蕭條近懷。益  
頽放。忽垂仁者贈。用懲小人壯。君贈詩云無復持  
弦直聊與鍊指柔感是求友  
篇亦持贈。言餉輒囑函。關道連綿秦山嶂。陵嶒入偉抱。吞納  
窮殊狀。得此敷藻思。可以發高唱。返里解征衣。傾壺醉家釀。  
松菊豈就荒。琴書得無恙。庶今歸沉漫。好酬志。倘儻時乎不  
再來。無爲徒快悵。

寄懷趙二興一

巳亥三月

人生一世間所遇皆邂逅爲憶昨與別茫焉更俛首君初識

我時歡于相識舊呼余序弟昆忘形股拘句醉心款爲契舍

醇哺以酌每稱諸座人翹立惟余秀余生本踈頑君翻喜見

收君學譬良畚或耕而或耨爛然通且贍乃不鄙予陋提唱

導先路愧茲雅知厚欲以終從遊破其積習謬握手忽言別

晤面安可又君自隨幽潛余亦甘雌伏

相望終乖隔

相思渺難副乃因四方願駕言迂相執

早出城東門

遙遙度前堠厥將十月半寒天日氣瘦朝烟淡踈林黃葉飄

縷繡發興自我章蕭爽瀾宇宙亭午忽慘冽獰颯撼晴晝塊

麴厲層陰眩暈埋衆岫顧我馬縮蜎凌兢策不驟數日懷抱  
惡思君焉得遶行行至斯里望衡低且覆小徑通簷下剝啄

時乙未  
下第

歲在丙  
申也

試一扣君適以事往迂客餘童初入門各隨行隅坐守先后  
倉猝問其業難經了句讀感嘆顧之喜是惟善者祐凌晨君  
忽返怪予面堆皺引謁陶母前升拜至屋雷盤餐既已陳羅  
列盡飭餽徐呼衆鸚出離立班左右侍趨儼父執傾觴爲予  
壽羨君庭際樂爛漫道在宥繩床相對眠夜語勞寒嗽尙復  
不能休念一恐萬漏時又提予耳天籟鳴注授令我怦然感  
頓忘身飢走詰朝旋行邁祖餞早延候漲塵迷已遠悵望猶  
回脰於此隔千里寄寓費償儻長安名利地冠蓋競相輳義  
不受人憐自爲拙所囿嗟來與蹴爾何忍營簞豆倦飛垂修  
翼飢啄秃長味歸田真無計豈好終淹留奄忽又徂冬歲已  
纏閏茂君偕計北上相逢獲携袖晨夕數經過如駟蛩相救

驚聞名報罷痛念予屢仆乃躬尙不闕而遑恤我後臨別長  
三嘆要期予必售謂古叟長裾實不利由寶豈其有司育五  
色元易瞽憤彼淺淺者成敗論雜糅倡言排羣愚爲予受世  
疾今春附書至語結同心臭至誼出衷腸勉稱日三復上言  
絕學微多蓄以爲富下言士氣申在貧而自守於何成其材  
使至需薪爇安用戀妻孥亦已助饋餼讀罷起中夜慙汗重  
給透古義君爲最痛砭真注灸翻思君已困何緣丐餘糗固  
君知我貧令我負重疚朝起西南望熒熒淚瀆溜暮還思長  
道奮飛恨遠表至友無與期素心孰能覲近聞君卧病醫藥  
煩經奏平生多所感迨此顏逾憊况復侍高堂志養君頗懋  
尙勉以身愛勿遽爲窮狂吾觀井及泉其道利用斃長綆垂

千仞下乃非積漚又如篩輪奐亦頗立結構惟君蘊奇璞曷  
患等諸琇強努破魯縞思一張而穀苟能起壯懷斯語諒非  
繆男兒會有適雪此虛聲詎用將酬高義敢以言相佑

記夢寄舍弟

六月七日

仲氏出門去授徒以爲家季也走四方自乞來食嗟而我翻  
孟浪數歲阨京華兄弟兩三人天胡限一涯欲歸不可得屈  
指年已賒半生未了事頭緒紛牽拏昨忽驚入夢吾季身如  
霞鬚髯捫其迹詰曲盤朱蛇猙獰怪難狀腥涎亂吸呀斯物  
爲陰類不祥古所呵君身尙餘幾痛被毒虫遮豈有束縛者  
乃爾困交加占夢久失官誰與卜凶嘉披衣起整坐夜漏聞  
三擲謂此其信然抑亦有舛差摇摇西南望是誰之冥耶

懷歸 六月八日

吾久客京都夜夢迷鄉井問茲胡不歸一附雙飛影年少勇  
行邁奮袂氣豪猛及今屢歷塊蹙蹙敢云騁信有行路難且  
宜守遠屏昨當風雨夕落葉衝蚱蟻城城踈窗傍徨鬪虛  
警驚蛇催赴歲蕭森迫秋景遠屋走無眠頓成寒夜永撫懷  
自長嘆思歸空引領誰令至于此艱難當記省搥手酌貪泉  
豈必垂長綆癖乃入膏盲矯然爲修整忍窮禁貨賒寄傲踈  
造請坐令涸轍駢展轉隨陷弃焉得不自困望遠徒耿耿吾  
生苟有涯吁嗟貧非病行歌歸去來卜居終箕穎

寄內 六月十七日

與子違幾時迢迢長相失嫁夫如拙鳩何計營家室念予事



壯浪志不安蓬蓽投袂出門去異雪牛衣泣三閩京華春嗟  
來屢費乞追感生平事殷憂其有極有兄棺未窆宿草滋荆  
棘相將一抔土未知卜何日汝尚勤除掃以督吾兒姪先壠  
歲月荒松楸拱鬱鬱從俗爲野祭今尙莫能必聞汝謀魚菽  
拮据延血食痛此吾不與豈將責可塞更憐小兒女齷齪頭  
卓立欲以成其材勿惜數鞭挾曾不戀禽犢乃爾成卵翼斯  
恨如可數怛然填胸臆且聞汝多感蓬首未暇櫛生乃依黔  
婁飢寒所應悉寄書翻慰我鄙懷益蕭瑟我亦丈夫耳臨風  
空淚溢

寄康氏妹

少也盛昆季六子共詵詵中年忽契濶半已成三人逝者其

云沒生者渺何因痛念仲與季謀食劇轉輪原上風雨惡飄  
蕩暗河塵跂予升高望急難無時間而况吾弱妹善懷病且  
呻歸唁思再返固已數周旬縱念子行邁問訊何由頻當計  
子歸日康倩過盈門兩姓始通好款筵亦具陳惟予悲離苦  
蒼茫發聲吞資奩俗所尙無力羞逐貧今已餘十年錐立益  
無存且又屏遠方安望懷可申近知諸甥幼漸可勝冠巾此  
當歛之道美以葆其淳汝宜師孟母驥子庶騰羣虛憶但茫  
茫撫心不可捫安得歸桑梓忍淚道酸辛

送楊枝山宰桃源

楊子將出宰舉杯屬予言予聞清白吏君世衍其傳昔在勤

惠公督運輸通川

枝山祖勤惠公以吏部  
尚書後出轉漕雨淮

粳稻來江鄉東岡

遞板船永協東南利餽輓俱歡顏問胡能致此奉公守約堅

至今訪遺愛談者猶餘酸君今治百里名邑稱桃園

元置桃園縣尋

譌團日源濱淮壤相錯分治自宿遷尙思追祖德已預清風旋而

况蒞劇任斯地要且煩大河經其北防築歲役艱頗聞有崔

鎮控塞在未然又如使者車道或駐旌旃下邑勤供億何以

慰民瘼且復觀豐壤狼莠潛滋緣胥吏事追呼敲朴豈終寬

痛此蚩蚩者乃日遭垂涎嗟子與吾子同諧如弟昆追念校

書日誓結平生歡狂酣爭激熱興劇屢倒顛偶頌春陵行湧

淚痕成癥謂宜哀黔首賤子最云拚豈意有祖生竟先着吾

鞭力辭天祿役不慕清華班公才濟吏用矢意在錯盤乃知

經術士經世必其端慷慨就束帶何事薄冗官士苟存利物

所利亦已繁此語雖瀾畧出之衷腸間要期君思三敬猷愚  
慮千萬類日吐氣喜入採風篇我懷尙未已君庶其勉旃

再題望雲圖

并序

夏邑李東川二親歿思親作望雲圖壁懸之有時相  
對以泣子與東川獲交于京邸乃爲作望雲操二章  
以佐其哀

雲起于岫其色屏屏飄風之感吹不使停嗟我何爲塊獨以  
零日逐四方孔墨其形父兮母兮將誰與聆  
雲生瀾瀾其布油油攀之弗及駛焉如流痛我二人奄乃松  
楸元廬在下已齊于邱天平乎天乎問諸悠悠

望雲圖詩爲李東川作

吾友東川李至性鬱孤悁題作望雲圖詩且近成編時獲一  
讀之悲感每漣漣忽復收餘涕慷慨爲君陳高堂母老矣惟  
有膝下歡朝出市豚非携歸供饗殮負米能百里安用負郭  
田塊獨走四方日夜凋心顏一身浮雲寄有恨何可捐登高  
試爲望莽莽奔如烟親或在其下古亦虛語然君今縱有懷  
勿爲况永嘆要知雲出岫且亦復歸山遊子不顧返念此行  
當還或時擘如絮平綴蒼茫間誰將慈母意比之手中綿北  
地秋風厲蘆花雪正團故衣爲補緝倚閭痛兒寒更睹餘霞  
起雲錦有數端天孫倘爲製頗似萊衣斑披以娛親側聊且  
戲褊褊而君胡爲者寄寫淚空潛愁思徒渺渺引頸屬漫漫  
何如捨之去行誦董生篇詩比春秋例固宜責備賢吾不辭

懇駭以君受盡言

授堂詩鈔卷之三

偃師武億虛谷著

孫未恭校字

吉羊洗

漢吉羊洗傳吳門陸氏寶此邁彝尊

吳門陸超曾藏此洗

歷諸歲久爲

世重搨摹舊制今猶存余少好奇天所稟時從古器搜鑄鑲此本流傳幸見之請于一一重題品其上有銘最云殊吉羊

通訓祥如符

銘云大吉羊宜侯王取羊祥通也

其字紛披倒薤葉

原文吉作峯羊作峯

細觀屢以心爲模昔在公羊傳古義盟于侵羊非稱異

傳作稜祥

更聞繁露春秋辭羊亦猶祥多可記

春秋繁露云羊之爲言猶祥與

成鄭氏疏車人羊祥訓善俱同文

鄭注車人云羊善也

乃知此器銘近

古六經通義存其真况爲設盥當東醫明神可薦需清漱鑄

以吉金三尺強不同博古惟求舊三字深刻宜侯王豈欲風  
示借而臧陋者紛紛競肆議我獨視之喬以皇先王製器貴  
尙象微言所寓尤堪做婆婆對此再三嘆使我神馳歸惘恍  
嘗憶陽嘉洗亦微字右蹙鱗左鷲飛字右狀如魚上陽舊洗  
左狀如鷲  
土花鮮雙魚隱起熒輝輝上元二年營東都上陽宮掘得  
古銅似金有處起雙鱗之狀傳  
云其製頗相擬水帶菱紋同一似更嫌取象庸且凡非關遠  
託有深理安得持此擬于倫紙摹尙見光輪菌嗚呼神物不  
易覩勿令汨沒長埋湮

贈濮裕昆先生

庚子三月

舊時青山側碩人自與適近聞濮夫子日夕遊其阿幽真欣  
所托往往費吟哦歸園下敞帷詩書老研摩矯矯五十年矢



志期不磨有子承家學秀發超羣科遣之來京國不隨世  
阿事賢與友仁所獲信已多與余共師門最喜屢經過尚知  
收蠶友古誼相砥磋遂因羣拜紀高風想婆娑天固老其材  
使爲國之皤豈弟神所勞受福理則那他日容登堂持此以  
佑歌

同年王遜菴南歸爲其親畏亭先生稱祝作此送之

庚子

七月

石城隱先生儒以名其家道耕而學殖三歲勸菑畝晚乃貢  
成均逢年未云賒厥子森森起六藝早紛葩蔚然東南秀偕  
計遊京華旣蓄則必奮所極宜無涯時惟歲纏子一舉輟高  
科聲名從此大五色爛朝霞歸以爲親慰班連戲婆娑再聞

諸孫幼芝菌迸萬芽編剗世有緒一門盡隨駟是翁况健在  
矯哉無以加固宜豐其報粹美全休嘉而我未謀面慶忭謹  
相譚聞風爲再拜以祝眉壽遐

已亥正月琉璃場市人持徐文長竹石圖者索價甚高  
余苦不能置也今間一歲矣尙爲憶之乃作此自遣

往時墨竹派已踈賴有繼者文與蘇振筆迅掃秋風起本之

籀法誰云殊徐生後起生新意銀鈎雙勒飛白圖

文長竹寸  
枝累葉皆

用鈎

世云傳自河東柳逮惟李氏規其慎

江南李工作竹世  
謂之銖鈎鎖其法

蓋衍于  
柳公權

何人更爲收此本使我瞥見眩糲糊想當胸次橫磊

矻紛沓衆史皆庸奴生平落落與世背欲以白戰驚相呼風  
鐸雨葉渾無似雪印勁枝洒箭蘆彼誠蕭然得意外安用點

輟光煤汗其下更布陰崖石墨所淋漓氣蒸濡縞素盤卧交  
屈鉄信乃腕指兼生枯憶昨披圖時一玩歸來日以手雙摸  
卽今倏忽歲已徂尙于結習未能除吁嗟此君真吾徒不爾  
留意胡爲乎

觀灤河水溢誌感

樂亭四野種宜黍青沒隴畦不見土數日曉起連沉屯海霞  
生綺垂將雨灤河挾勢帶雨驕原隰渾渾入極浦亭午氣滯  
糜如焚千畝鬱蒸同一煮濁流涌溢何時乾老農擁蓋泣環  
堵秋稼不復望連雲只今安用泥數斗

土人傳灤水溢可淤田又斗古音主見鄭

自渠

我夜愁起長無眠飽聞唯有蛙喧鼓忽憶河決排梁園  
疾如箐矢奮如弩愧無所守填金隄我縱欲往馮夷怒側身

雪涕空洗瀾對此茫茫足愁苦

偃師釀酒用糯米雜麴麴附桂香諸屑冬釀初夏始熟  
號罈酒今不飲者數歲矣

糟牀滴瀝午溪春抱甕偷嘗琥珀濃渴夢故鄉真好在棟花

風細紫葺葺

壓酒俗以棟花爲候

春日雜感詩十二首

滿目競粧靚時乃媚如此長安二月間得意桃與李嬌逸追  
輕統翩然獻其技本無禘礻用焉得不驟起澗底有古松守  
迂甘吾否盤爵元氣闕差輦長材市一朝覓眾棟處之色無  
喜偃伸信以道矯哉古君子

大塊不自閤必先假之鳴氣類誠不類豈盡求友鶯惟彼蠅

裏蒼傍午趁旭晴鼓翼奔所驚時亦聞啞嚶其黨競而附叫  
雷車轟有如聆笙笛誰歟辨元聲所以唱高言識曲聽其  
真

藹藹弄碧絲冥冥羃春曉遊子莽無歸狂逐紛未了景色空  
復佳其如惡懷抱鴻鵠信浩蕩我何逐隊鳥

年少事壯浪常恐攀於隔香袂西川道

甲午走四川

却顧人盡後

沮洳棧雲膩澹澗山潭煦斯境渠子細得証吾杜叟及茲粲  
可憶心死一何朽依依陌上條鬱鬱杯中酒慘慘結衷腸勞  
勞逐飢走予自爲形役安事怨楊柳

朝聞索米錢歛性不敢懦軟語款僮僕煩茲做裘典抱衣空  
歸來含愠顏反覩苦道春將老時過物亦減徒爲市兒嗤不

如隨意捲方憶儉能廣迫此何由展慘淡謝春衫惟汝恃急  
緩

今日天氣佳擘絮碎雲煖予亦久踈狂盪胸遂成祖將昏忽  
變候冽徹刮如剪始信彼蒼意奄忽有迴幹青冥不自持垂  
與塘蒲晚

低月窺窗牖春帳漫清影擁衾不成眠頗減秋夜永起步聲  
悄悄望遠愈耿耿逆旅雖云羈卽此是閑屏且爲鞭其情努  
力續短綆爰與一時啟庶以誌吾猛清和倏已去飛光竟浪  
馳

憶昨北邙道盤苗肥蒿繁蕪菁粲野秀花氣傍午掀其間有  
雙蝶欸欸何軒軒因之感舊遊無淚達故園忽感四方願所

在必騰騫焉能守窮臚刺促啜哺殮不見滄溟上破浪起六  
鯤

首着供春盤採掇供春曉忍飢迫亭午炊烟仍細嫻因念長  
宴人僅得餐禿草藜藿尙未繁只此足一飽吾尙有血淚捐  
以慰枯槁援手不敢干負茲溝中殍

春溪蒸藹鬱春漲叠浪縹回縈留白鳧翹立脉脉瘦豈無腥  
臚用厭之等鮑臭飢烏側翼飛竟日困其味垂暮不得栖顏  
戚母已厚

機巧世網塵誰其造禍首吾欲返淳悶乃一溷于酒直入華  
胥鄉萬仙亂招手饋予青精飯憐予頽卧久長跪徹盤殮得  
似故人否却畧向茲拜感嘆聲一吼

露霜有代謝蘭艾並榮瘁人生一世間何所謀向背無以穢  
自濁無以香取媚秉燭及春夜頽然拚一醉

楊柳枝詞

寒食前一日都人爭折柳作市

細嬾淡拖綠漾輕一重風物逼清明不知惹盡幾人恨折去  
街頭賣一聲

鱗

吁嗟爾惟鱗厥辜以何名蜿蜒遊在甕慘戚待鼎烹霜刃飛  
交下寸磔委肉橫跳擲有時起尙聞憲宰聲造物同茲育物  
微命豈輕引分供老饕生何遽酷生吾爲汝思三禍由汝所  
嬰汝體雖紆曲實視蛇同獍汝性狡且滑攢擠自孤撐兼之  
骨體姿膩脆染膏鯖取以恣吞噉誰抱女不平獨恨網恢恢



漏菰吞舟鯨

春日詩古質奧衍彷彿阮公詠懷景純游仙詠鱣之作不  
減陳思王鰕鮠篇楊柳枝詞則下視劉白矣

校山

都門重遇李東川感別之作

弱歲懷壯浪盪腕中夜起所願走四方素心盡蘭茝及我留  
京華交乃得蘇李何郎亦妙才詩聲過侯喜並與相追歡困  
鮒援江水晨登小謝樓暮訪迂辛里分題陋小詩引伸連數  
紙醉或手結袂狂亦走折趾呼伴倒僧榻埋照溷屠市審臺  
與江亭平臨信足美淡日羶荒黃憂鳴搖叢蓋相視各悄然  
鄉心益變恠獨我最先歸瞬目星周紀不謂數人中瞥遇東  
川子憶昔長沙行感喟此身否十月沿江波江清石齒齒河

庭流澌悍東船鴉街尾百夫費牽挽失足箭流駛三日困兀  
輒春簸如立踣何時投君者豁焉導積痞北風一夜來向岸  
舟可艤鼓帆隨湘轉邇君尺有咫入門情脉脉忍淚不能喜  
比今我思之惡懷重加累君嘗訂予頤予頤紛未已始念寄  
身浮爲情縛垂死君顏粲渥丹我頤醜可鄙君詩富盈囊我  
守唯故紙君吏成通材游刃無寬髀小挫老其用復爲蒼生  
起時君以他事被議旋得引例開復我方望宦海湍足于焉始簿領摧盛氣  
折腰佯掾史行迂而耐緩慮千髯投几况漫無所挾兼之世  
有訛佞俚將隨淵非君援孰止奈何聚數朝歛云戍行理良  
晤不可長後期安可擬天心憎合併人世互憂喜皓首守君  
約相望徒徙倚祝君加餐飯吾衰行已矣

韓杜合作 星衍讀

三友圖爲張叔玉作

少時同席研有友得張仲迪此踰卅年良會遽如夢展圖歎  
見示德輝覽三鳳風竽韻叢篁雨翠潑蒼櫻是中兀羣坐歎  
欸誠相貢平生所與期敦義共磨礱盟心磐石堅流水堪目  
送呼童拾搖草嘹唳聞鶴唳坦豁適其真焉知狙有衆我嘆  
世兒黠動輒不相中翻手能作雲覲面已成霧試與逢數君  
顏覲毋亦痛

陝州再覲李文亭同年今春寄書感事懷交漫爲詩八

首既成遂無點次附呈文亭蓋甲辰四月十一日也

不見李夫子近且歲一週坐滯冷官局和易澹無求引水灌

庭竹瘦影對搖秋時泛一尊酒呼與此君酬相要依歲寒如  
世有羊求

二

往者沈侯約腰束不勝羣今吾識吾子秀羸而能文吐詞  
藹藹六藝悉葩紛有技得如此鳴鶴翥挺羣題名未冠首信  
能驚一軍

君成進士名  
在第七人

三

昨歲逢梁園各念離居索屬當十月交往踐故人約入門半  
蕭森撼撼黃隕籜有友方山子適與塵鞅縛

時有襄  
縣之行

跂予望

同舟不得並李郭陰沉三日雨隙窗罅冥漠且復盡懷抱因

君叩管鑰

四

年少學鄉曲動輒蛙井喜側甕徒哺糟食蔗未嘗肯枵腹而  
嗷嗷弄舌以齒齒至言供撓說其失均爲鄙

五

近世多媚學剿襲益披猖小辯破大道無異身屏墻况其肆  
針艾索癡日求瘡聖言橫漁獵吾道陷申商幾見由鼠穴而  
抵康輿莊

六

力學患無成旣成患中歇蠹老蛻脉望生死恣吞齧庶于文  
字間非猶等一映而我因生事身世兩涸轍安能從書窟飽  
餐供吾噎

七

十年在闡場與君伏簷屋

時惟壬辰也

相識悔從晚夜談盡跋燭

倉猝就藝文爲草先呈讀君忽動色起尋釋頗三復嘆此穎  
立見豈有長碌碌孰意垂晚成偕君同中鵠蘭茝並芳叢終  
依在幽獨

八

君今守學舍振鐸豈小補青衿迫憔悴爨序益莽鹵諸生厠  
其間所業盡朽腐經君一指授渙若風雪舞往往願出羣斯  
文猶近古推此宰邦縣地可遍鄒魯推轂者誰歟使君獲是  
土